



19. maj 2023

Siverth K. Heilmann

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

**Naalackersuisunut apeqquq:**

- 1. Misissortinnissaq nakorsiarsinnaanissarlu ajornannginnerulersissinnaaneraniq pillugu Naalackersuisut qanoq pilersaaruteqarpat?**
- 2. Peqqinnissaq pillugu ataatsimiititaliarsuup suliaa utaqeqqaanngikkaluarlugu piaartumik Naalackersuisut qanoq iliuseqarnissaminnik pilersaaruteqarpat?**
- 3. Nappaateqarnermut pasitsannermi siusissukkullu naammattoorsisinnaanissaq anguniarlugu nakorsat innersuussinissaat utaqeqqaanngikkaluarlugu aaversissinnaanissamut periarfissat annertusineqarnissaannik Naalackersuisut suliaqarusuppat?**

(Inatsisartunut ilaasortaq Siverth K. Heilmann, Atassut)

**Tungavilersuut**

Uteqattaartuarsinnaagaluarparput ila qassimmita nakorsiaraluarlutik angerlartitaaginnartarpat? Ila qassimmita annanneqarsinnaasimagaluarlutik ajoraluartumik toqukkut qimaguppat? Taanna aamma apeqquqiginikuugaluarparput.

Peqqinnissaq pillugu ataatsimiititaliarsuup suliaata naammassinissaa utaqquarsinnaanngilarput, ullummi tamarluinnaasa inuit ikioqqullutik nakorsiartuarput. Taamaattumik paaserusupparput ullumikkut aaqqiissutaasinnaasumik qanoq iliortoqarsinnaanersoq.

Pingaartumillu nappaataasinnaasumik pasitsannermi piaartumik misissortipallassinnaaneq pingaaruteqarpoq, nakorsallu ulapputeqartuarmata nappaatip sakkortusinissaa utaqqiinnarnagu inuit nammeneq nappaatinut aalajangersimasunut tungasumik aaversissinnaanissaat annerusumik aqqutissaasinnaagaluarluni.